

antworten. Sy sullen ouch dy bencke alle obinde zu rechter zzeit zu und alle morgen widder uff bestellen zu slißenn und sullen dy alle fritage zu obend reyne keren laßen. Als oft das so nicht gehalden wirt, sal der sulchs vorsewmet ane gnade vi gr. uffs rat-
huß geben. Item sy sullen ouch keynen schaden an gemurden und bencken thun; wer
5 das so erfunden wirt, sal das widder bessern laßen und dorezu dy buße geben.

Item dy gewandsnyder, dy am sonnabend ouch in den brotbencken stehn, sal
iglicher von eyner stad eyns breths lang, der loß mith nympt, alle virtel jars iii swert-
groschin geben, und uff den jarmarckten durffen sy kein stetegelt geben; welchir abir
nicht loß mith nympt, der muß stetegelt geben. Und^{a)} ap sich dy muntez andern wurde,
10 wy danne unser gnedigen hern dy setzen und zu landrenten nemen wurden, als sullen
sy ouch sulche iii groschin geben^{a)}.

423.

Rathswillkür über den Wechsel der Fleischbänke.

[1474.]

Hdschr.: Rathsarchiv Freiberg. Stadtbuch III fol. 6^b.

15 *Ann.: Vergl. No. 207.*

Czwischen den fleischauwern des standis und der bencke halben ist durch den
rath geordent also, das sy alle halbe jar umbe dy bencke laßen^{a)} sullen. Sundern umbe
dy siben bencke, dy ein spittelmeister pfliget zu vermytten, sal ein spittelmeister ouch
alle halbe jar vorandern und andern siben dy vermiten, also das keyner widder arm
20 noch reich ußgesundert werde, sundern glich durch das ganteze handwerg umbegehe.

424.

Taxe für das Schweineschneiden.

[1474.]

Hdschr.: Rathsarchiv Freiberg. Stadtbuch III fol. 7.

Ann.: Vergl. No. 397.

25 Nickel Bruwer ist gelassen das sweinsnyden also, das er in der stad von cleynen
sweynen iii h., von mittelmesigen iii δ und von alden swynen i grosen groschin nemen
sal, und dy lewte nicht dorubir bedrangen noch obirsetzen.

425.

Rochlitz, 1475 März 8.

30 *Hdschr.: Or. Pap. Rathsarchiv Freiberg K. 21 (Fasciculus landesherrl. Befehle usw. No. 15). Das zum Verschuß
aufgedr. S. ist abgefallen.*

Ann.: Vergl. No. 426.

Kurfürst Ernst und Herzog Albrecht an den Rath zu Freiberg. Nickel Hußman
unnser burger bey uch hat unns anbringen lassen, das er czyn bey uch ankomen unnde

35 422. a) Und — geben gleichzeitiger Zusatz von anderer Hand.

423. a) d. i. lösen.